



## Universitätsbibliothek Paderborn

**D. Ioannis Ivsti Lanspergii Carthviani, Natione Bavari,  
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Praefatio.

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

fissima, perducens animam meam egredientem de corpore meo immediate ad gaudia sempiterna Amen.

Salutatio ad B. Virginem Mariam efficacissima.

**Q**uot maris sunt guttae, cœli stellæ, quot beatorum spirituum agmina, quot arborum folia & terræ gramina, toties ex intimo cordis mei te saluto, ô nobilissima, electissima, pulcherrima, gloriofissima atque dignissima mater Dei, cœli regina præclarissima, amabilissima, domina atque dulcissima mea virgo Maria. Saluto autem te in uione a moris & p[ro]p[ter] cor dilecti filij tui atque orationis te amantium, meq[ue] tibi commendando, atque in proprium filium metibi a signo. Opto etiam ut tu me suscipias & apud Deum facias ut totus sim tuus, tu tota sis mea, post Deum domina, gaudium meum & corona ac mater mea dulcissima atque fidelissima Amen.

Gloriosa Virgo Maria his frequenter compellanda est verbis.

**S**ub tuum præsidium configlio sanctissima Dei genitrix virgo Maria: tu ab omni peccato, ab hoste maligno, ab omni periculo animæ & corporis libera & defende me: in hora quoq[ue] mortis meæ esto mihi benigna & misericors, animamq[ue] meam de corpore discedentem mox conspectui Dei repræsenta, Amen.

Libri II. FINIS.

## D. IOAN: IVSTI LANSPERGII, Carthusiani, in Librum centum & quinquaginta Theoriarum.

### PRAEFATIO.

**N**on charitate perpetua dilexite, ideo attaxi te, miserans tui. Hieremiæ XXXI. Actiæ de ortu, vita, passione glorificationeque Domini nostri Iesu Christi, p[er]issimæque matris eius, cum primis operæ premium fuerit oculos constituere, paucisq[ue] enucleare, quantas sit virtus vite passionisque Christi, quanta ibi lateat gratia, quantus indefructus proueniat, quanta denique eadem sedulo meditanti, obtingatur utilitas, tametsi multi ea de re, idque doctissime scripserint, nem[us] potuit tamen id unquam satis haclenus, vt ipse

ipse nosti, explicare. Vincit enim ingenium humanum rei ipsius magnitudo. Quapropter prætergressis omnibus, ceu ijs quæ nunquam sati possunt dici, hoc unum omnibus cum perfectis, tum præcipue in cipientibus Dei seruis, tanquam rectum utilissimumque consulendum est, continuè videlicet meditari Domini nostri Iesu Christi, & ipsius matris mores, virtutesque ac passionem. Neque enim absque matris memoria possunt filii gesta omnia recoli. Quid enim tam potest esse fructuosum, quam hoc meditandi, mentaliterque orandi, siue in spiritu cum Deo loquendi studium pariter ac exercitium, quod familiaritatem spem, fiduciamque accedendi parit ad Deum: potissimum dum tanta charitas, tanta misericordia, tantaque Saluatoris nostri erga nos bonitas consideratur, quæ nos ad se non solum admittit, verum etiam vocat, inuitat, ac trahit. Instruitur præterea meditans, quomodo in omni vita sua perfectum se se præstare debeat Christi vitæ imitatem: Ut pote, cuius actus, mores, virtutesque assidue admodum contemplatur. Discit quoque opera sua contemnere omnia, & in sola Dei confidere bonitate, siue cuius ope & gratia nihil in se innuenit aut sanum, aut perfectum. Omnia enim sua si ad regulam eruditionis Christi (quam & verbo & exemplo ipse nobis contradidit) comparet, videt ea esse nulla. Deinde, quo feruentiore accingitur studio CHRLSTVM imitandi, eo semper clarus videt quam longo adhuc distet interuersus sua ab illius vita. Videt quoque quantum sibi desit, unde impediatur, ne Christo sit conformis. Experitur denique quam nihil possit (tametsi maximoperè bonum affectet) suis viribus affequi, nihil in se corrigerere, nihil perfecti absolute operari, sed gratiam Dei se potius destruere, impedireque, & deficere in omnibus, omnianq; sibi, puta vires, animum, studium, feruorem, atq; ipsam ad eò non solum affectionem, sed & voluntatem bonam decrescere. Si quidem quocunque modo ad perfectionem se conatur erigere, cito a feruore, a cœpto relabitur proposito. Proinde, ubi hoc modo ex vita

Fruitus me-  
ditatione vita  
& passionis  
Christi, qui  
sunt.

y

Christi



Christi meditatione , atque ex suæ vitæ iniuste ad eiusdem vitam collatione , inuenierit se illi adeò disparem , adeò difformem , adeòque longo se interuallo ab eadem distantem , in se humilietur necesse est : Vt pote nihil in se præter negligentias , peccata , vicia , errores , ignorantias , defectus , ingratitudinemque inueniens . Quare cogitur quoque seipsum desplicere , odisse que suam vilitatem , malitiam , infirmitatemque & fieri pauper spiritu , nihil sibi confidens , nihil tribuens , nihil deniq; de se præsumens . Deinde , cogitur ( quoniam libenter Christum vellet sequi , quod eiusdem est vitæ virtutes imitari ) veluti mendicus ad Christum clamare , se se accusare , veniam de male actis petere , auxilium gratiae diuinæ inuocare , atque quotidie ad illius fores pulsando eidem importunus fieri . Cogitur postremo ( quamvis reuera in sui tunc cognitione proficiat ) sibi in oculis suis videri vilis ac quotidie deterior : non propterea quod seipso deterior fiat , sed quod defectus suos , quos aliquando non viderat , iam videns quotidie videat clarus : quamobrem non progredi , sed deficere , licet proficiat , sibi videntur . Hoc enim exercitio , dum clarus se indies agnoscit , in oculis suis semper decrescit , semperque infirmior ac vilius sibi videbitur . Inde accedit alia quoque utilitas , quod homo se ita videns infirmum , villem , malum , atque ad malum adeò procluem , horrebit proximum iudicare , patienterq; illius feret onera , quandoquidem suis præmi oneribus sentit quoque alios . Efficitur igitur humilius ac mitis : & quia suam intuetur miseriam , cogitur desiderijs ( ut dixi ) continuis clamare ad Deum . pro eius misericordia , pro sui liberatione , protectione , custodiaque , pro virtute item , pro ope & gratia eiusdem . pro Spiritu sancti , illuminatione , directione quoque sui . Assuescit nihilosecius interea dum est inter colloquendum cum Deo , pro alienis causis rogare , puta , afflictorum , se se commendantium , atque defunctorum . Omnibus enim volens & nulli potens succurrere , cogitur configere pro auxilio ad eum , qui omnia vult & potest . Quis autem hic est , aut ad quem est alium



alium refugium, spes, expectatioque nostra, præterquam ad amatorē, saluatorem, ac benefactorem nostrum, Dominum nostrum IESVM CHRISTVM: Tunc autem ad illum clamamus, quando inopiam, infirmitatem, corruptionem atque miseriam nostram intelligentes, ad eundem pro auxilio, quod inde nobis aduocandum est, suspiramus. Tunc clamamus, inquam, quando ignitis flammigerisq; desiderijs mentalibus quoque orationibus à Deo salutaria postulamus. Huic certè negotio sancto vehementer conducit, assueta habere exercitia quibus mentem suam discat homo eleuare in Deum. Omnino enim est necessarium homini cupienti sequi Christum, atque quæ spiritus sunt agere conanti, habere exercitia spiritus assumpta atque assueta, quibus se agat, eleuet, impellat, calefaciatque & moveat in Deum, donec meliora sentiat, dum ve ad alia potiora vberioraque à Domino trahatur. Ad quæ vbi se trahi senserit, non curiositate humana, sed in uitatione diuina sequi debet, relicto etiam suo antiquo modo, quo se exerce-re solebat pro illo tempore: eadem alio tempore ( quando nihil aliud singulare sentit ) resumendo. Debet autem hoc ( quod dixi sequendum esse tractum diuinum cuius sese ad Deum exercenti ) fieri non ex inconstantia, mutabilitate, levitate aut fastidio meditationum solitarum, sed ex obedientia spiritus, qui sentiens alio se à Domino trahi, sua interim, hoc est, ea quæ sibi parauerat exercitia, & quæ ex propria electione sibi usurpauerat, quantumlibet bona, tunc per sui abnegationē relinquit & tractum diuinum sequatur. Porro inter exercitia spiritus ( quia dixi necessarium fore cuius deuoto habere vel unum certum exercitium, quo se discutiat, se arguat, se admoneat, quo etiam proponat obseruāda, destituat & respueda ) magis expedit habere huiusmodi quod se colligat, quo sumat occasionem gemendi, postulandi, Deo gratias agendi, pro multis itē alijs eidem supplicandi: cuiusmodi est exercitium meditationis vitae ac passionis Christi, vbi ad hæc omnia vberima inuenitur materia, occasioque seipsum exercendi. Quod si neque

hoc, neque aliud certum habuerit, quotidie ipse sua mutabit exercitia, & hodie quidem hoc, cras illi aliud placebit. Hodie orabit ore, eras leget, postridie volet meditari, mutans quotidie & exercitia & suum propositum, donec tandem cunctis in fastidium versis, neque hoc neque illud frequenter. Exercitium igitur in vita & passione Domini nostri Iesu Christi, cum scirem illud maximè omnium salutare, super hac collegi olim aliquot mihi meditationes, quas comprehendens tandem strictius, ad numerum centum & quinquaginta coegi. Haec ubi à studio de devotione in usum fuerint receptæ, mens ipsa quæ multo plura potest complecti, quam os loqui, ut pote celerius cuncta per uolitans penetransque, varios mox recipiet affectus erga Deum, puta gratiarum actionis, admirationis, orationis ac laudis, effundetque se varijs modis erga DEV M per sui resignationem ac oblationem ad illicet honorem.

Proinde singulis meditationibus singulas quoque addidi aspirationes oratiunculas ve ignitas, quæ tametsi legi possint ore, spiritu tamen & mente utilius multo funduntur. Possent item salutationes adhiberi angelicæ singulis meditationibus, & sub numero trium rosariorum, hoc est, centum & quinquaginta meditationum articulorum veita frequentari, ut ubi hodie meditans suum intermisserit exercitium, ibi cras continuaturus illud incipiat. Quod vero Christi vitam meditaturo aliquot meditationes præcipue circa initium de beatissima virginie eius matre occurrunt, nihil mirum videatur, quandoquidem Christi meditatus tam vitam, quam passionem, non potest eiusdem matris præterire memoriam. Sunt enim quedam in Christi vita, quæ meditata magnopere ad cognitionem iuvant ducuntque matris, eiusque nobis honorem commonstrant, id ipsumque ediuerso, adeò, ut præstantiam excellentiasque virginis cogitare non aliud quam beneficia sit CHRISTI meditari. Quomodo enim non merito dignissimam suam fecerit matrem CHRISTVS virtutibus confitnam,



cuā, sanctitatis exemplar, cunctisque imitabilem? Aat quomodo gratijs innumeris totidemq; donis alijs ac virtutum muneribus non repleuerit vas illud, quod se, hoc est, quod Deum esset concepturum & paritum? Itaque decebat eam magnificari singularibus gratijs, excellentissimisq; donis impleri, quae singularis, unaq; ex omnibus electa à Spiritu sancto præparabatur, ut idonea ad grande illud nostræ redemptioñ ministerium foret: ita non congruere videbatur eius silentio præterire vitam, quandoquidem (vt dixi) eius vitam meditari, Christi est misericordiam, munificentiam, gloriamq; & nostri redemptionem recolere. Ceterum, qui apponuntur versus, propter ordinem seruandum, ut memoriam iuuent inuenti sunt, licet vel y soli probè intellecti, ei qui paululum in meditationibus fuerit assuetus, nobilissimum præbeant exercitium quod infra monstrabitur, mentale.



y 3 D.IO-